



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

Capvt VI.

**urn:nbn:de:hbz:466:1-15617**

sed prorsus inutiliter. Approbatio igitur illa quam à Sergio Papa postulabanti Episcopi, necessaria erat pro ordinatione Hincmaris, & ad infringendos conatus Ebbonis, non autem ad hoc tantum ut Metropolitani ordinatio confirmaretur à sede apostolica. Sanè ordinationem illam Leoni IV. placuisse, & ab eo approbatam esse, docet Hincmarus in scedula à se porrecta Concilio Suectionensi III. anno DCCCCLXVI. ubi etiam scribit Pallij usum sibi à Leone concessum.

## CAPVT VI.

## Synopsis.

I. De Pallio dato Metropolitanis. Ejus concessio paulatim infregit eorum libertatem & synodorum provincialium auctoritatem. Origo ejus satis vetusta. Ea tamen qua hodie usurpanur, antiquitati prorsus ignota fuere. Diferentia antiqui & novi juris.

II. Pallium olim longè aliud erat quād illud quo hodie uimur. Erat autem genus quoddam imperatorij indumenti. Ante Zachariæ Pontificis tempora non tribuebatur universis Galliarum Metropolitanis.

III. Descriptio Pallij hodierni & antiqui. Vetus à Latinis constantem appellatum est Pallium; à Graecis verò ὅμοφόριον & περόνιον. Omophorij vox ambigua. Quippe interdum significat uestem laneam quam Episcopi deferunt extra sacrificij tempora.

IV. Alias Omophorion accipit pro indumento Patriarcharum. Ejus descriptio. Augusta erat hac uestis. Ex Pelagio I. & Gregorio Magno.

V. Pallium illud erat verè pallium, non autem exigua fascia; ut patet ex Liberato & Ioanne Diacono.

VI. Pallij usus Patriarchis permisus ab Imperatoribus. Id Ecclesia Romana facetur. De donatione Constantini.

VII. Explicantur verba donationis. Card. Baronius notatus. Phrygium est ornamentum capitum, quod mitram vocamus. Lorum non est Pallium. Lora id est, fascia. Tunica dilecti & trilores apud Fl. Vopiscum.

VIII. Chlamys, id est, Pallium imperiale. Cuiusmodi illud fuerit. Pelagi I. & sanctus Gregorius illistrati.

IX. De Sacco, Stichario, & Phenolio. Saccum omnium optimè referebat Pallium Latinorum. Forma ejus describitur, ex Balsamone, & Gregorio Chomateno.

X. Pallium esse beneficium Imperatorum probatur etiam ex Liberato. Pallium Avelatenibus Episcopis tribuum, cum consensu Imperatorum. Gregorio tamen primo sufficere visus est consensus Regis Childeberti. Necesse illa consensus Imperatoris honorificissima est pro Summo Pontifice.

XI. Baronius notatus, qui Pallium ait esse indumentum ecclesiasticum. Etate Theodosij Pallium non erat in usu apud Ecclesiam. Anastasius Bibliothecarius notatus.

**P**ost explicatam superiori capite priorem Glossæ observationem, su-

pereft ut ad secundam veniamus. Cum itaque ibi scriptum sit nonnullos esse Metropolitanos qui non confirmantur à Papa, sed tamen ab eo Pallium accipiunt, observationes & ipse meas circa hanc materiam proponam; qua magni est momenti, ob argumenta quæ inde peti possunt.

Optabant sanè olim Summi Pontifices ut omnes Metropolitani qui ad eorum patriarchatum pertinebant aliquod confirmationis genus à sede apostolica acciperent. Verum quia ubique receptum erat consecrationes fieri posse extra Italiam absque eorum consensu, vim ei legi palam adferre noluerunt; sed Metropolitanos rei cuiusdam novæ miraculo velut obstupescerunt; quæ in initio magnifica, paulatim tamen antiquam eorum libertatem per cuniculos infregit, & synodorum provincialium auctoritatem perfundedit. De Pallij usulo loquor: cujus origo cum sit satis vetusta, effectus tamen ejus, & cetera qua nunc usurpantur, antiquitati prorsus ignota fuere. Quippe Galliarum Metropolitani statim post ordinationem suam exercebant functiones sui munera, iuxta canones antiques. At jus novum eos prohibet quicquam pontificalis officij attinere donec à sede apostolica missum ad eos fuerit Pallium, de corpore beati Petri sumptum.

II. Cum materia isthac digna sit eruditorum hominum curiositate, dicam primum quid ipse sentiam de origine Pallij; tum apriam quo primum tempore necessitas ejus introducta sit. At mihi quidem tria principia notata digna observasse videor. Primum, initio Pallium alia prorsus forma compositum fuisse quād illud quod hodie in usu habetur. Secundūm, ( quod nonnulli viri eruditi subdorati sunt, neque tamen satis probavere ) Pallium antiquitus fuisse genus quoddam imperatorij indumenti, cuius usum Imperatores permisere Patriarchis, à quibus deinde communicatum est cum Metropolitanis. Tertiūm, illud non fuisse tributum universis Galliarum Metropolitanis ante tempora Zachariæ Pontificis Romani, id est, ante annum circiter septingentesimum quadragesimum quartum.

III. Igitur in anteceßum statuere debemus Pallium hodiernum nihil aliud esse quād fasciam laneam candidam, in modum circuli contextam, quæ super humeros impunitur: ex quo circulo impendet pectori fascia similis, & alia ex adverso inter humeros demittitur; utraque habens crucem rubræ, præter eas quæ in ipso circulo extant super humeros. Pallium autem illud alligatur ope trium acicularum aurearum sive spinularum

spinularum. Ita enim Pallium describunt Honorius Augustodunensis, Hugo à sancto Viatore, & Innocentius tertius, qui aciculas illas vocant *spinulas*. Priscum verò Pallium, indumentum erat praeclarissimum, & fulgens, quod ad terram demittebatur. Quod me facilis probaturum esse confido, si prius explicavero varia nomina indumenti hujus apud veteres. Apud Latinos quidem Pallium constanter appellatum est; apud Graecos verò ἀμφόριον, hoc est, *superhumerales*, φυδλαί. Omophorij tamen vox ambigua est. Quippe interdum significat vestem quandam laneam, quam Episcopi ut plurimū humeris suis imponebant extra sacrificij tempora, saltem apud Orientales, aliquo modo similem ei \* Pallioli quo hodie utuntur Episcopi nostrates. Omophorij hujus mentionem facit Isidorus Pelusior: qui adnotar, ideo laneum illud esse, ut ostendatur quantam gregis sibi commissi curam gerere debeant Episcopi. Effigiem ejus exhibet vetus numisma Imperatoris Theodosij, apud Fulvium Vrsinum: in quo beati Apostoli Philippus & Ioannes habitu Episcoporum reprobantur, capite raso, & cum Palliolo illo crucibus ornato, & ad pectus usque pertingente, posito volumine quodam in manu dextra, & cruce in sinistra.

I V. Alias Omophorion accipitur pro indumento Patriarcharum, quod Latini Pallium appellant. Hoc autem indumentum usque ad talos demittebatur. Descriptionis hujus probatio sumitur ex Zonara: qui in vita Constantini Copronymi ait Anastasium insistentem vestigis Germani Patriarchæ, Omophorion ejus calcasse, ut eum admoneret ne festinaret. Sanè vox ipsa Pallij evincit illud fuisse indumentum integrum, non autem fasciolas aliquot laneas; ut probatur ex Pelagio & Gregorio I. Pontificibus Romanis, qui docent illud fuisse vestem angustam, quæ haud vulgari more ornaret eum qui ea utebatur. Pelagi enim primi verba hæc sunt ad Sapaudum Arelatensem Episcopum scribentes: *Pallium dirigen-tes; ut in tanti loci fastigio constitutus, preclaro quoque habitu decoreris.* Gregorius verò Pallium esse dicit *habitus exterioris clariorum cultum, indumenti munificentiam, ad Syagrium Augustodunensem scribens; quem statim admonet necesse esse ut cultui vestium, aëtio-nis quoque ornamenta convenient.* Et lib. i v. epist. l i v. scribens ad Marinanum Ravennatensem Episcopum, eadem eum meminisse moneret, his verbis: *Sic eris alterno invicem deore conspicuus, si ad hujusmodi corporis habi-tum, mentis quoque bona convenient.* Quæ loca manifeste probant Pallium fuisse indu-

Tom. II.

mentum praeclarissimum, non verò fascio-las solùm laneas.

V. Sed præterea Pallium illud fuisse verè pallium, hoc est, aliud quam exiguum fasciam, colligi potest ex iis quæ referri Liberatus in capite xvii. Breviarij, scilicet sententiam damnationis à Felice Papa latam adversus Acacium Patriarcham Constantinopolitanum, quam is recipere noluebat, Pallio ejus alligatam fuisse à quodam monacho, cùm Acacius ad celebranda sa-cra ingredieretur: *Ita ut cogarentur, inquit, qui eas, ( id est, Felicis literas adversus Aca-cium ) detulerunt, per quendam monachum Achimetensem ipsam chartam damnationis, dum ingrederebatur ad celebranda sacra, suspendere in ejus Pallio, & discedere.* Quibus addi potest locus Ioannis Diaconi ex vita sancti Gre-gorij, cuius auctoritas efficiet ne temera-tius esse videar in hac sententia proferenda, simùlque ostenderet jam ejus ayo discrimen ingens fuisse inter Pallium veterum & illud quod ejus tempore in usu erat. Affirmat enim beatum Gregorium in veteribus picturi-s videri indutum Pallio ex bysso candente contexto, & nullis acubus perforato, quod in morem vestis humeros ejus operiebat. *Pallium ejus, inquit, bysso candente con-textum, nullis acubus perforatum, sic ipsum cir-ca scapulas devolutum fuisse, non autem confi-xum, sicut vetusissimis musivis vel picturis ostenditur.*

VI. Alterum quod mihi observalle vi-deor notatu dignum, nempe Pallium esse genus quoddam imperatorij indumenti, cuius usum Imperatores permisere Patriarchis, videri prima fronte posset audacia plenum, nisi fidejussores optimos darem. Ecclesia namque Romana ita esse fatetur; quæ Constantini donationem, ubi scriptum est Pallium Romano Pontifici tributum bene-ficio istius Imperatoris, Decreto Gratiani insertam suscepit. Assentior sanè viris eruditis, qui donationem illam falsi arguant, eo in primis argumento, quod à Constanti-no facta esse dicatur. Fatendum est nihilominus vetus esse monumentum illud, & antecedere tempora Caroli Calvi, contrà quām visum est iis qui antiquitatem ei maxi-mam tribuere se existimant, cùm jam in rerum natura fuerit ayo Hadriani I. & Ca-roli Magni, ut ostendi suprà lib. i i i. cap. x i i. Sufficit in praefatarum quod donatio illa, cuius auctoritas semper viguit in Eccle-sia Romana donec techna isthac detecta est, originem Pallij tribuit Imperatoribus. Id enim probat eam octingentos per annos in-valuisse opinionem, & ob hoc ipsum non posse argui novitatis.

B b

Ioannes Diaconus  
vita S. Gregorii  
lib. 4, c. 80.

193  
lib. 111. cap. 11.  
de mysteriis Mose  
cap. 4.

\* Collected Comell  
hunc Moger-  
lib. Pelat. lib.  
cap. 13.

Pelagij lib. 1.  
cap. 4.

Gregor. lib. 7.  
cap. 11.

VII. Arte tamen quadam & industria opus est ut Pallium in hac donatione deprehendi possit. Silvestro enim Pontifici omnium indumentorum imperialium usum permittit his verbis: *Deinde diadema, videlicet coronam capitinis nostri, simile Phrygium, nec non superhumerales, videlicet lorum quod imperiale circumdare absque collum, verum etiam & chlamydem purpuream, atque tunicam coccineam.* Illustrissimus Cardinalis Baronius existimat heic *Phrygium* accipi debere pro Pallio, in quo cum sua decepit industria. *Phrygium* enim nihil aliud est quam illud capitinis ornamentum quod mitram vocamus, superiore sui parte clausum, in parte vero inferiore circulum habens aureum in modum corona. Mitram illam Bonifacius VIII. altero circulo aureo auxit, & Urbanus V. tertio, eodem prorsus modo dispositis quo hodie videntur in Tiara Summi Pontificis. *Phrygium* esse illud mitrae genus docent ipsa donationis verba, quae sic habent: *Phrygium, candido nitore splendidum, ejus sacratissimo vertici nostris manibus impossumus; tum etiam Glossa Isidori, & vetus interpres Vaticanus, qui *Phrygium* aiunt esse mitram. Quibus addi debet locus Sugerij in vita Ludovici Grossi; ubi ait capiti Innocentij secundi impositum fuisse *Phrygium*, quod Sugerius vocat *imperiale ornatum*. Innocentius quoque III. in sermone de sancto Silvestro, eandem explicationem adhibet, dicens Papam loco regij diadematis uti *Phygio*, alludens haud dubie ad donationem illam Constantini, in qua haec leguntur: *Pro diadema regio utitur auriphrygio circulari.* Balsamo etsi lorum confudit cum *Phygio*, utrumque tamen pro tegumento capitinis usurpat.*

*Superhumerales* vero, sive *Lorum*, quod deinde in ea donatione legitur, existimant vulgo accipi debere pro Pallio. Igitur quia haec opinio potest decipere incautos, dicam liberè quid mihi in mentem venerit; hoc uno in antecessum monito, sententiam meam inniti auctoritate scriptorum historiarum augustarum, apud quos vera lori significatio extat. Lora ergo fascias aureas recte dixerimus, aut purpureas, sive praetextas tunicae cuidam aut Pallio alligatas & connexas. Unde apud Flavium Vopiscum legimus *Tunicas purpureas rectas dilores & trilores*, id est, tunicas purpureas quibus duo vel tria lora praetexta erant alligata.

VIII. Donatio igitur illa duo quedam docet; Constantimum videlicet dedisse *lorum* sive fascias quibus indumentum ejus ornabatur, & *chlamydem*, id est, Pallium imperiale. Vnde colligi non absurdè potest Pallij vocabulum olim fuisse complexum &

Pallium ipsum regium integrum & fascias sive lora quibus illud erat ornatum. Quapropter mirum videri non debet si Pelagus primus & sanctus Gregorius tantopere commendante pulchritudinem & splendorem hujus Pallij, quod ad humum usque demitterebatur, ut ostendi superius: quia non solum ex loris constabat, sed etiam ex Pallio regio, ut notavit Balsamo Meditatione prima: *Vnde sit, inquit, ut sanctissimi Patriarcha, qui sanctarum Ecclesiarum Dei capitinis vicem implent, saccos induant, tunicasque florii ac triangulis, & penulas multis crucibus depictas.* In responsione ad XXXVII. interrogacionem Marci Patriarchæ Alexandrini ait indumentum cui *Sacco* & *Polystaurio* nomen est, in quo depictæ sunt crucis, indumentum esse quo Patriarchæ ornantur ad differentiam reliquorum Episcoporum: *Eos enim hinc decorari placuit.*

IX. Igitur tria haec, *Saccus*, *Sticharium*, & *Phenolum*, non erant ejusdem coloris, & ad varios usus porrigeabantur. Quippe *Sticharium* & *Phenolum* interdum purpurea erant, non undis non crucibus onusta; & nullo alio in usu erant quam in officiis, ieiuniis, & funeribus. Aliquando autem candida erant, undis quoque & crucibus onusta; eorumque usus usurpabatur cum *Sacco*. *Saccus* porrò necessario candidus esse debuit; cui haec insuper necessitas adstricta erat, ut eodem Metropolitani non posset nisi in tribus diebus solennium festorum, id est, Paclæ, Pentecostes, & Natalis Domini; ut observavit Demetrius Chomatenus Bulgaria Archiepiscopus in responsione ad secundam interrogationem Cabasilæ. Vnde colligi videtur *Saccum* omnium optimè referre Pallium Latinorum, cum in solennibus tantum festis diebus usurpari potuerit à Metropolitani, velut Pallium. Ceterum quod attinet ad molem & formam *Sacci*, eam colligere possumus ex verbis Balsamonis, qui Meditatione prima ait *Saccum* significare vestem opprobrij quæ Christo imposita est. Cum autem Demetrius Chomatenus nos docuerit eum fuisse coloris albi, patet ejus descriptionem congruere cum ea quam Ioannes Diaconus exhibit in vita sancti Gregorij, cum ait Gregorij Pallium ex bysso candente contextum fuisse in veteribus picturis.

X. Sed præter illam Ecclesiæ Romanae confessionem, quæ octingentis abhinc annis agnovit Pallium, quo Romani Pontifices utuntur, Imperatorum esse beneficium, suppetunt etiam gravissima hujus rei argumenta, quibus contradicunt non posse existimo. Legimus enim apud Liberatum Diaconum, in cap. XXI. Breviarij, Anthumum Patriar-

Glossa 15d. *Phrygium mitra. Vaticana interpres: Phrygium mitra, & sacerdotum pectorale.*

Vide etiam Chronicon Maurinum, pag. 379. Anacleto apud Baron ad an. 1130. §. 37. & Saalber. lib. 8. Pölicher. c. 23.

Balsamo ad Tit. 8. No. 100. c. 1. & Meditatione 1.

Flavius Vopiscus in D. Aureliano.

*Chlamydem esse Pallium partem ex his que supra dicta sunt lib. 5. cap. 12.*

cham Constantinopolitanum à sede sua dejectum, Pallium Imperatori Iustiniano reddidisse. *Anthimus*, inquit, *videns sē sede pulsum, Pallium quod habuit Imperatoribus reddidit*, id est, Iustiniano, conjugique ejus Theodorae. Nihil dici potuit apertius. Reddere enim ad eum refertur à quo res quāpiam accepta est. Sed ne quis hujus argumenti vim eludere se posse putet, eo prætextu, quod cūm Anthimus Iustiniani & Theodorae suffragatione ad hanc sedem promotus est, Pallium ob hoc eis reddere voluerit, addam & argumentum aliud ex eadem antiquitate petitum. Episcopus Arelatensis nova quadam & peculiari dignitatis prærogativa auctus erat beneficio Zozimi Summi Pontificis anno quadragesimo decimo septimo. Eam deinde auxit & Symmachus anno **D C X V**. fedit apostolica vicariatu per Gallias & Hispanias eidem Episcopo concessio. Auxanius ad hanc cathedram evectus anno quingentesimo quadragesimo tertio, præter vicariatum Papæ Vigiliij, Pallio etiam insigniri cupiit. quod Pontifex distulit, donec ab Imperatore Iustiniano probatum foret. Hujus autem dilationis hanc reddit rationem: *Vt & vobis gravior prefitorum causa reddatur, dum que postulatus, cum consensu Christianissimi Principis referantur, & nos honorem fiduci ejus servasse cum competenti reverentia judicemur*, id est, fidem servasse Imperatori cum reverentia debita. Et biennio post, cūm Episcopo illi morem gessisset secundum desiderium Childeberti Regis, eum hortatur ut preces ad Deum fundat pro Iustiniano & Theodora, qui, annidente Belisario, consenserant ut Auxanio vicariatus ille tribueretur, utque Pallium ad eum mitteretur: *qui pro his vestre caritati mandandis præbuere consensum*, inquit Vigilius Papa in epistola secunda ad Auxanium. Auxanio verò defuncto, successorem ejus Aurelianum eodem honore prosecutus est Vigilius, ut Regis Childeberti votis obsequeretur; sed epistola ad Aurelianum scripta, iussit ut Belisario grates ageret, qui & laborem & sumptus itineris, quod Aureliani tabellarius ad Iustinianum instituerat, sua cura abstulerat, & consensum Principis obtinuerat pro hoc beneficio. Gregorius tamen primus & vicariatum & Pallij usum continuavit anno **D X C V**. Virgilio Arelatensi Episcopo, non expectato consensu Imperatoris Orientis, sufficere videlicet ratus consensum Childeberti Regis Francie, quod usi jam receptum est ut Pallium tribueretur Episcopis Arelatensis. At sequenti anno, cūm Regina Brunechildis optaſſer ut Syagrius Episcopus Augustodu-

Tom. II.

nensis Pallio honestaretur, non refragatus est Pontifex, sed tamen non antē concessit quām consultus Imperator per Gregorij Diaconum in CP. urbe commorantem respondit sibi placere ut ita fiat: *Syagrio, inquit, Pallium dirigere secundum postulationem vestram voluimus. Propter quod & serenissimi Domni Imperatoris, quantum nobis Diaconus noster, qui apud eum responsa Ecclesie faciebat, innovit, prona voluntas est, & concedi hoc omnino desiderat*. Heic nunc interrogo, quā tandem ratio excogitari possit, qua ostendatur necessitas consensus Imperatoris ut Syagrius Pallium absque vicariatu concedi possit, & Auxanio Aurelianōque cum vicariatu conjunctū? Sanè nullam aliam reperiri posse arbitror quām jus illud quod sibi Imperatores retinuerant in concessione horum indumentorum: quāc cūm imperialis essent, & Summo Pontifici ceterisque Patriarchis concessa ab Imperatoribus, vulgaris non poterant absque eorum consensu, multò minus absque eodem consensu tribui poterant Episcopis Gallicanis; qui cūm Regis Francorum imperio subjiciēti essent, auctoritatem Imperatoris non agnoscabant. Indumenta quidem imperialia cum Rege Lazorum communicata sunt, sed à Iustiniano, ut Procopius scribit. Leges vero lāſam majestatem pronuntiant si quis utatur vestibus imperialibus. Par igitur erat ut Summus Pontifex Imperatorum consensu non destitueretur, quum Episcopis Gallicanis honorem illum recenter tribuebat. Ceterū necessitas illa consensus Imperatoris, ex dignitate Pallij petita, honorificentior haud dubiē est pro sede apostolica quām si quis eam arceſſat ab insita quibusdam opinione, non licere videlicet Summo Pontifici gratificari cuiquam Episcopo absque consensu Imperatoris. Extat in hanc sententiam locus singularis apud sanctum Gregorium, qui Imperatorem rogar ut Anatolius Patriarcha Antiochenus, qui sede sua pulsus erat, apud sedem apostolicam commorari possit, ac dignitatem suam retinere, *concessio usū Pallij*. Cur autem beneficium hoc ab Imperatore postulet Gregorius, nulla alia ratio esse potest quām quod Patriarcha ille Pallium ab Imperatoris munificencia habebat.

X I. Hieronymus Rubeus in historia Ravennatum edidit rescriptum quoddam sub nomine Imp. Theodosij, quo Princeps ille anno **C D X X I I**. plurimas civitates subjicit metropoli Ravennatenſi, Palliique usum Episcopo ejus concedit. Verū rescriptum illud omnino supposititum est, & egregie confutatum ab illustrissimo Cardinale Ba-

B b ij

Gregor. I. lib. 7.  
ep. 5.

Gregor. lib. 8.  
ep. 27.

*Vide supra lib. 5.  
ep. 19. §. 1.*

*Symmach. ep. xi.  
Vide supra lib. 5.  
ep. 19. §. 2.*

*Vide supra lib. 5.  
ep. 16.*

*Vigil. ep. 1. ad  
Auxan.*

*Vigil. ep. 5.*

*Gregor. lib. 4.  
§. 1.*

ronio, ipsa Latini sermonis spurcie omnen ejus auctoritatem elevate apud eruditos. In eo tamen cogor à Baronio dissentiri, quod enix contendat Pallium Episcopo tribui non posse ab Imperatore, eò quod indumentum sit ecclesiasticum. Nam præterea sūspicor Pallium ætate Theodosij non fuisse in usu apud Ecclesiam. Neque mihi admodum placet quod scribit Anastasius, Marcum Papam Episcopo Ostiensi concessisse ut Pallio uti possit in consecratione Summi Pontificis.

## C A P V T VII.

## Synopsis.

I. Ante annum sexcentesimum Pallium nemini anni statutum Gallicanorum tribuum est præter Arelatensem, qui Vicarius erat sedis apostolicae.

II. In Concilio Matisconensi statutum est ne Archiepiscopi Missam celebrant absque Pallio. Quod intelligendum est de Pallio Gallicano, non autem de Romano, id quod pluribus argumentis probatur.

III. Aëvo divi Gregorii, Pallio ornabantur precepni Metropolite qui ad Romani Episcopi consecrationem perinebant, vel Vicary sedis apostolicae. An Gregorius confirmaverit ordinationem Leandri Hispanensis.

IV. Primus omnium Bonifacius Moguntinus induxit necessitatem Pallii Romani. Quonam consilio id factum. Eò traxit Episcopos, specie honoris. Cuiusmodi fuerit Pallium per illas tempestates. Pallium est discreto inter Archiepiscopum & ejus Suffraganeos, ex Alcuino. Datur propter apostolicam vicem ex Rabano. Quo unico astu infraacta est auctoritas Metropolitanorum. Verba Hincmari Reissenis referuntur, notata digna.

V. Necessitas obtinendi Pallii decreta in Orlava Synodo. Patriarcha Orientis Pallium ad Metropolitanos mittebat, sicut Summus Pontifex in Occidente. Balsamo illustratus. An Metropolitanus Orientis deponerent Pallium ante consecrationem corporis Christi.

VI. Cum Pallio novæ conditions à Summis Pontificibus imposta Metropolitanis, nimirum ut subjectionem & obedientiam apostolicae sedi pollicerentur. Novi hujuscemodi repertor Bonifacius Moguntinus. Quae antea esset Metropolitanorum professio. Veteres professionum formula.

VII. Sub Gregorio VII I. professio illa versa est in iuramentum fidelitatis.

VIII. Ea postrema formula vim juris communis obtinuit: que Principum iura atrociter violavit. Ita visum Hungaros anno millesimo centesimo secundo.

IX. Metropolitanis veitis consecrationes Episcoporum, & synodorum celebrationes, donec Pallium acceperint. Primus ita pronuntiavit Nicolaus I. cuius sententia vim legis obtinuit apud posteros. Ins illud confirmaverunt quamplurima Decretales.

I. **N**UNC examinanda est tertia observatio nostra, quam capite superiori protulimus, nimirum, an omnibus Gal-

liarum Metropolitanis antiquitus positum in usu fuerit ut Pallium à Romana sede acciperent. Ac primùm quidem questio hæc inutilis esse videbitur ei qui Vigilij Papæ literas legerit; cùm in eis scriptum sit Pallium Episcopo Arelatensti Auxanio concessum esse ob vicariatum sedis apostolicae, atque adeo ad illum non pertinuisse jure proprio, eò quod Metropolitanus esset. Quibus addi potest, necessarium fuisse ut de eo ad Principem referretur, ut consensu ejus haberi posset. Vnde patet manifeste, datum id extra ordinem, & ex privilegio, neque tribui potuisse quin eodem tempore vicariatus tribueretur. Et quia, inquit Vigilius in epistola prima ad Auxanium, *dignus credimus ratione compleri ut agenti vices nostras Pallii non desit ornatus.* Idipsum probatur ex epistola Pelagi primi ad Sapaudum Episcopum Arelatensem scripta anno D LVII. quo eum instituit Vicarium: Pariter etiam Pallium dirigentes; ut in tanti loci fastigio constitutus, preclaro quoque habitu decoreris. Itaque institutum illud Pontificum Romanorum, ut ad neminem Episcoporum Gallicanorum mitterent Pallium, præterquam ad Arelatensem, ut ea arte vicariam ejus dignitatem in sublime eveharent, etimique ab omnibus aliis Episcopis distinguerent, duravit usque ad tempora beati Gregorij Papæ id est, usque ad annum sexcentesimum.

II. Non levius tamen difficultas adversus hæc insurgit, ex Concilio Matisconensi primo petita; in quo sanctum est ut nullus Archiepiscopus præsumat Missam celebrare absque Pallio. Sed animadvertisendum est Pallium istud non esse Romanum, non solum ob eam rationem quam statim proposui, illud eo tempore nulli alij Episcopo communicatum fuisse præter Arelatensem, sed etiam quod Romani usus non erat licitus præterquam in festis solennibus, ut constat ex Gregorio, qui hunc etiam fuisse modum Metropolitanorum Orientis docet. At in canone isto Matisconensi statutur ut Archiepiscopi Pallio utantur quoties facrum Missæ sacrificium celebrabunt. Indefinita enim hæc locutio eam vim habet ut vicem suppleat universalis propositionis: *Vt Archiepiscopus sine Pallio Missas dicere non presumat.* Pallium itaque Archiepiscoporum Gallici diversum erat à Romano, quantum ad ornamentum & fastum; ac fortassis loro carebat, id est, iis fasciis quæ in indumentis imperialis ornandi causa insuebantur, ut in donatione Constantini legitur: *Lorum, quod imperiale circumdare affolet collum.* Inde hardubè factum est, ut ego quidem existimo, ut sequentis ætatis Pontifices, cùm Pallio